



Bekendnus, der durchleuchtigsten hochgebornen Fürsten und Herrn, Herren Wilhelm Printz zu Uranien, sampt andern irer F.G. Mitverwandten Defension, und Nootwehr widder des Duca de Alba unchristliche und eunerhörte Verfolgung gegen alle Stendt der Nidderlanden, tyrannischer Weise geübet

<https://hdl.handle.net/1874/8961>

Bekendnis

Der Durchleuchtigsten Hochgebornen Fürsten
 vnd Herren/Herzen Wilhelm Prinz zu Branië/sampt
 andern iher F. G. Mitverwandte Defensio vnd Noth
 wehze widder des DVCA DE ALBA Vnchristliche
 vnd vnerhözte verfolgung gegen alle Stendt der
 Nidderlanden/Eyrannischer weise geübet.

Ex Dom Buchellii



PSALM. XCIII.

Sie rüsten sich widder die seele des Gerechten/vnd ver
 dammen vnschuldig blüt/ aber der Herz ist mein schuz.
 Mein Gott ist der Hort meiner zünersicht/vnd er wirdt
 inē jr vnrecht vergeltē/vñ wirdt sie vmb ire löshheit ver
 tilgen/Der Herz vnser Gott wirdt sey vertilgen.

Summarische Anzeige.

Warumb vnd aus was Genottrangten Christlichen/billichen vnd hocheheblichen vnombgenglichen vrsachē der Durchleuchtige Hochgebomer Fürst vnd Herz/ Herz Wilhelm Prinz zu Braunien/Graff zu Nassaw/Cazeneubogen/ Blanden/ Dietz/ Bueren/ vnd Lerdam/ Freyherr zu Bredae/etc. Sampt andern irer F. G. Mitverwandten Herrn vnd freunden/ ire gegenwertige vnuermeidliche Defension vnd Nothwehr/ wider des *DVCA DE ALBA* vnd seiner Mitgenossen vnchristliche vnd vnerhörte veruolung/so sie wider die armen vnd vnschuldigen Bekenner Göttlichen worts vnd heiligen Euangelij/ auch in gemein alle Stende der Löblichen Nidderlande/ zu außrottung vnd vertilgung derselben vorhaben/ an die handt nemen müssen.

Allen vñ jedē was Städtē. Wirdē vñ We-
 sens die seyen/ denendiß vnser vñ offen außschrei-
 bē zū lesen fürkompt/ Geben wir Wilhelm von Gottes
 Gnaden/ Prinz zū Branien/ Graue zū Nassaw/ Car-
 nelshogen/ Biandē/ Dien/ Büren vnd Lerdam/ Frey-
 herz zū Bredae/ 2c. Neben erbietung vnserer/ nach eines
 jeden Standts erfordderung/ Gepürlichen dienst/
 auch freuntlichen vnd günstighen willens
 Hiermit zuerkennen/

Wiewol vnser crachtens zwar
 sonderlich nicht vomöchten ist/
 weitleuffig anzuzeigē / was vns
 vnd vnser Mituerwandten/ zu
 gegēwertiger vnserer/ gleichwol
 nicht auß lust/ sondern vielmehe
 auß vnwombgenklichen vnd hochgenottrangen vñ
 sachen vorgenommener Defension/ gegenweh-
 vnd rettung widder des *DVCA DE ALBA*/ sei-
 ner Anhenger vnd blütdurstiger Rott / vnzimli-
 che vnd zuviel grewliche/ vnerhörte in den Nidder-
 landen bißhero geüpte handlungen bewegt hab.
 Demnach wir nicht zweiffeln/ ein jeder recht vnd
 ehrliebender/ dē vnser friedliebend gemüt bekant/
 auch darneben bewust ist/ was wir in dē endtsan-
 denen Nidderlendischen empörungen vnd zerrut-
 tungen

tungen ein zeithero / mit darsetzung leibs / guts vñ
blüts der Kön. M. zu Hispanien / vnserm gnädig-
sten Herrn / zum besten / so ganz getrewlich / emb-
sig vnd fleißig gesucht / gethan vnd gehandelt ha-
ben. Was man auch hergegen mit Confisca-
tion / entziehung vñ vorenthaltung vnserer Land /
Leuthe / haab vñ güter / auch mit schmällicher Pro-
clamation / vnd vielen vnerhörten *INIURIIS* / wid-
der vns / weniger denn mit recht / gewältiglich ge-
übt vnd vorgekommen hat / werde vns in gegenver-
tiger vnserer genottranger / billichen / Christli-
chen / zülesigen vnd vnombgenklicher Defension /
Nothwehr vnd Rettung / so wir vornemblich Gott
dem Allmechtigen zum ehren / vnd zu erbreitung
seines heiligen vnd allein seligmachenden Worts /
vnd dann hochstermelter Kö. M. vñ dero Land
vnd Vnderthanen / auch der Kö. Key. M. vnserm
allergnädigsten Herrn / dero geliebte Sönen / vnd
andern Successorn / so zu gedachte Landen / recht-
messige anwartung haben / zu gutem / vñ dero zu ab-
schaffung des vnerhörten erschrecklichen / vñ mehr
denn Barbarischen wütés des *DVCA DE ALBA*
vnd seines Anhangs / so sie ein zeithero in dē Nid-
derlanden / gegen die armen vnschuldigen Christe
geübt / vñ vorgekommen haben / vñ vermittelst Göt-
licher

licher Gnaden/ der ghepuer nach zu prosequiren
gemeint seindt/ ic. ohne einigen vnsern fernern be-
richt vor sich selbst gnügsam entschuldigt halten
vnd nemen.

So haben wir doch zu desio mehrer vnd grünt-
licher vnserer entschuldigung auch zu verhütung
vnd abschaffung alles vnwilllichen verdachts der
Rebellion (die wir die zeit vnseres lebens zum al-
lerhöchsten gehasset vnd geflohen haben) vor rath-
sam vnd notwendig erachtet/ die vnuermeidliche
vrsachen/ dardurch wir beneben andern vnsern
Mitverwandten Herrn vnd freunden / zu dieser
gegenwertigen vnuermeidlichen Defension/ not-
trentlich gezwungen vnd bewegt seint worden/ in
diesem offenem Außschreiben kürzlich anzuzei-
gen.

Vnd achten wir es anfengliche offenbar/ auch
meniglichen vnuerborgen sein/ welcher gestalt es
vff sonderlich anstifften vmd erpracticirens des
Cardinals von GRANVELLEN/ auch ande-
rer güit vnd Blutdurftiger leuthe / (die vnderm
pretext vnd schein der berühmten Catholischen
Religion/ nichts wenigens dann die eh: vnseres
einigen Säligmachers vmd Herrn Christi /
A iij noch

noch auch hochstermelter R^ö. M^o. dero Land vñnd
vnderthanen gedeihen vñnd wolfart / sondern viel
mehr ires selbst eigenen nutzen vñnd weltlichen
pracht / mit vnderganck vñnd verderben anderer vn
schuldiger leuth suchen) dahin entlichen erwach
sen vñnd k^ommen / daß die hochbeschwerliche
INQUISITION vñ vñchrisiliche Execution Man
data / vñnerachtet / daß wir beneben andern vnsern
M^oitordenbrüdern / dieselben auß vnderthänigster
trewer meinung / auch in besorgung des vielfalti
gen jamers vñ elédts / so albereit darauß erfolgt /
vñnd künfftiglich noch weiter erfolgen mag / zum
hefftigsten widderrathen / vñ dafür zum vnderthe
nigsten vñnd vñheiligsten gebetten / in den Nidder
landen verschienere zeit introducirt / eingefürt vñnd
angerichtet wordē. Darauß erfolgt / das vñnderm
schein solcher *INQUISITION* / nun ekliche Zar
seithero die *INQUISITORES* / Gleisner / vñnd ver
meinte Geisilichen / gegen den armen vñschuldige
Gh^ristē / so nach der reinē leh^r des Euangelij begi
rig / mit G^oßseirung irer haab vñ güter / mit mar
tern / peinigē / brennen / trencken / hencken / zerreis
sen / vergeben / heimlich hinrichtē / vertreibung ins
elendt / vñnd in viel andere ganz ersch^röckliche vñnd
mitleidliche wege / ires gefallens procedirt vñ ge
handlet haben.

Wels

Welche Tyrannen vnd verfolgung noch zurzeit nicht allein im geringsten mit gelindert oder gemilert/ sondern auch nach ermelt *DVCA DE ALBA* vnglücklicher ankunfft in die Nidderlande vō tag zu tag gemehret/ vnd solche vnmenschliche/ vnchristliche/ vñ vnerhörte geschwindigkeiten/ Executio- nes/ marter/ vñ straffen/ gegen die arme leuth vor- genommen werden / dasz billich nit allein ein jeder Christ/ sonder auch Türcken vnd Heiden/ ein mit- leiden mit jnen haben sollen / zugeschwigen was vor unsagliche schand/ laster vnd vnzucht von des *DVCA DE ALBA* vnderhabendem Kriegsvolck teglichs begangen werden / wilches einem jedern eh:liebenden Biederman nicht weniger denn der Todt selbst schmerzlich vnd bekümmertlich an den feinen zusehen vnd zuerfaren sein muß.

Vnd nachdem soliche des *DVCA DE ALBA* seines anhangs vnd blütdürstiger Kotten/ vnchristliche vñ vnmenschliche handlungen / denen zwis- schen hochstermelter Rō. M. vñ den Stenden der Nidderlande vffgerichteñ/ stattlichen/ verbriefften vnd versiegelten Contracten/ Obligation/ Ver- sprechungen vnd verpflichtungē/ Ja irer M. selbst gethanem Jurament stracks zuwider / geübt vnd vor- genommen werden. So wirt damit öffentlichen vnd

vnd gnugsam zuuersiehen geben/das nicht allein
ermelter von Alba sich seines / vor irer Kön. M.
habenden beuelhs zum höchsten/zu irer M. dersel
bigen getrewen Land vnd leuth selbst nachteil/vn-
derganck vnd verderbnis mißb: auchen/vornehme
lich aber disse grewliche wutterei/gewißlich wider
irer M. als eines berümbten/güttigen/vnd mildē
Königs willen vnd meinung/in dessen herzen/sin
vnd gedankē on zweifel ein solches/ noch daß irer
M. Königlichen verpflichtungen/vnd vil weniger
geleistem Turamēt dermassen zuwider gehandelt
werden solt/nie gestiegen ist/ vor sich selbst auß ha
bender güte vnd blütdürstigkeit vorname / sonder
daß auch solichen vnchristlichen vnd vnnenschli-
chen handlungen/ Sintemal der **S X E Z Z B.**
D X Z E zu der Kö. M. durch der widerwertigen
gifftige Practicken versperret / nhun mehr durch
kein ander mittel vnd wege/dann die in allen rech-
ten erlaubte Defension vnd Gegenweh: zu steu-
ren sein wil.

Dann ob wol hiebeuor die Herzogin von Par
ma / domals irer M. gewesene Gubernantin in
den Niederlanden/die Predigten Göttliches worts
(damit die damals vorstehende cufferste gefahr
vnd vnraht in den Niederlanden verhüt werden
mochten)

möchten) ausdrücklich gestat vnd zugelassen / mit
vertröstung das gegen die jenigen so die Predigten
gehört hetten/oder hören würden / nichts vngüt-
lichs oder beschwerlichs solt vorgenomen werden.
Wilches wir auch vff beuelh hochgemelter Her-
zogin hin vnd wider durch vnser Gubernament
publiciren lassen/ auch vns gegen die vndertha-
nen das inen dasselbig vestiglich solt gehalten wer-
den/obligirt vnd verpflichtet haben.

So hat doch dessen vnangesehen vielermelter
DVCA DE ALBA/ neben seinem anhang/ vor erst
viel güthertziger/getreuer Vasallen vñ vndertha-
nē ire *M.* in sehr grosser anzal / allein dero vrsachē
halben/ das sie die Predigten gehört/ vnd sich zu
dem jenigen/wilches sie Gottes wort gemess be-
funden/ affectionirt vnd begirlich erzeigt haben/
hinweg zu ziehen gezwungen.

Habē auch alsbaldt vff außgangene/vermeint-
te/nichtige vnd wider rechtliche Citationes / ohn
einige gepürliche obseruation des gewonlichen/oz
dentlichen vñ rechtlichen Proceß/vff die Confisca-
tion vnd einnehmung irer habe vñ güter procedirt/
dieselbige auch *DE FACTO*/ jedoch vnder dē schein
des rechtens also würcklich eingezo gen.

Vber das haben sie auch vnsaglich vil fromer
B anse

anfehllicher vnd statlicher leuth der Religion hal-
ben mit sträng/feuer/schwerth/vnd sonst in an-
dere schreckliche wege/gantz erbarmlicher/vnd vn-
schuldiger/ja blütdurstiger/vnd mehr dann Ty-
rannischer weiß/offentlich vnd heimlich hinrich-
ten/etliche in harten gefegnissen sterben vnd ver-
derben/etliche auch dermassen torquieren/peyni-
gen vnd martern lassen/das sie nach viel erlitte-
ner/vnerhörter/langwiriger marter vnd pein/jr le-
ben vnuerschulter ellendiger/vnd jämmerlicher
weiß haben endē müssen/Wie sie auch noch täg-
lichs vnd ohn vnterlaß/solche vnd dergleichen er-
schöckliche vnd tyrannische Executiones zu endt-
lichem vnderganck vnd verderben der obgedachte
Lande/sonderlich aber zu gantzlicher außrut-
tung vnd verdilgung der armen betrangten Chri-
sten/(deren anzahl der ohrt sehr groß ist) zuthun
vnd vorzunemen bedacht sindt.

Dernhalben sie auch zu solichem effect kurz
verschiner zeit in allen Stedten/durch die ganze
Nidderlande/ein groß anzahl der jenigen/so sie
des Glaubens halben Suspect gehalten/auß
iren heusern vnd betten/in einer nacht zu gleich
vffhe

vffheben/ vnd gesencklich haben hinweg führen las-
sen/ alles der meh: gedachten Lande habenden vnd
wolherb: achten Priuilegien/ Gesetzen/ Con-
tracten/ Verpflichtungen vnd Freyheiten/ so die Kön.
M. selbst (wie obstehet) mit inen eingangen/ vffge-
richtet vnd eingewilligt/ auch gelobt vnd geschwo-
ren hatt/ stracks zuwider.

Wie sie dann auch zu beschwerlichem *Præiudicio*
abbruch vnd nachteil der obgedachten Priuilegiè/
Contracten vnd Freyheiten mit der angere-
ten Confiscation vnd eintziehung der güter ober-
zelter massen gewaltiglich procedieren vnd vort-
faren/ mit den gefangenen ires gefallens vnd
mütwillens handeln/ vnd inen der veriaten/ ver-
storbenen/ vnd wider recht vnd gewonheit condem-
nierten vnd verurtheilten/ güter applicieren vnd
züeignen. Dardurch sie dann mehrgemelte
Lande (welche sie doch zu anzeigung ires vnder-
thenigsten gehorsams / gegen der Kön. Maiesteyt
als irem ordentlichem Landsfürsten/ ohne alles/
auch das geringste widdersetzen ganz gütwillig
vff vnd angenommen) in eufferste Seruitut
vnd diensbarkeit / auch zu gleich in vnaußspres-
chelichen jamer/ noth/ vnd ellendt albereit gesetzt/
vnd bracht haben/ vnd sonder zweiffel noch weiter

B ij **d**ajnen

da jnen nicht jr gütt vnd blü. durstig vorhaben ge-
brochen wirdt/ zu bringē nicht vnderlassen werde/
Vnerachtet der vnderthemigsten grossen trew / so
diese Nidderlande jrer Kō. M. vnd derselben gelieb-
ten Herrn vatter / weilandt Keyser Carlen / Hoch-
melter vnd lobseliger gedechnuß / in viel wege mit
erlegung so viel statlicher vnd ansehnlicher Con-
tributionen / die sich an etliche viel Million gulde /
vnd ein vnfügliche summa gelts erstrecken / vnuer-
drossen gelaisset / Sunderlich aber zu den letzten
vnd newlichsten Kriegen / an die vierzigh million
Gulden / so ganz güttwillig gestewret vnd erlegt /
Zu dem daß sie sich auch vber diß alles noch new-
licher zeit in die dreißigmal hundert thausent gul-
den / allein daß jnen die Predigtē Göttlichs worts
vnd *Exercitium Religionis* nach Prophetischen vnd Apo-
stolischen schrifften vergünt vnd frey gelassen wer-
den möcht / zu geben erbotten haben.

Wiewol auch jre Kō. M. hieueor vff anhalten
vñ berichte Hohermelter Subernätin / dē sampt-
lichen Herrn vnd vom Adel / so vmb abschaffung
der obgedachte Inquisition vñ Executions Man-
daten / ein Supplication vbergeben hatten / Eine-
digst versprochen vnd zugesagt / das sie sich deshal-
ben in keinen wege zubeforgen oder zubefaren sol-
ten haben.

Es ist doch dargegen offenbar vñ am tag / daß vnder 13iger des von Alba zuviel grewlicher Dominatio solcher irer M. außdrucklicher zusage vñ versprechung zuwider / Ja zu spot vñ vcracht der selben etliche ansehnliche Personē so sich vff solch irer M. vnd dero gewesener Gubernantir beschehene vertröstung gentslich verlassen / in schwere gefencknuß geworffen / vnd derselben gefangenē / wie auch der außgewichenen güter / ohne einigen vndercheid der Religion allen rechten / gebräuchen / ordnungen / satzung vnd gewonheitē außdrucklich zugegen gewaltiglich confisciert vnd eingezogen worden. Vnd lassen sich die sachen dermassen ansehen / das man lezlichen niemadē / was Religio die seyen / wann sie nur etwas begüet vnd zuuerlieren haben / verschonen werde.

Vnd ob wol wir vor vnser Person / die zeit vnser beuolhenen Gubernamēts / Ja die zeit vnser verstandigen alters vns vff der welt nicht hohers haben angelegen sein lassen / dan daß irer M. hochheit / Authoritet / gewalt / macht vñ vermügen täglich gepflanzet vnd erhöhet / dero Landt vñ leuth in frieden / rühe / vffnemen vnd gedeyen erhaltē / vñ aller besorgter vnrat / nachtheil vnd schaden bey irer M. Landē vnd vnderthanen souiel menschlich

vñ m̄glich verhütet vñ abgewēdet möcht werdē.

Wie wir damit dasselbige ein gereume zeit hero mit darstreckung vnserer haab vnd güter / Ja mit nicht geringer gefahr leibs vnd lebens (one rhum zu melden) im werck erzeigt vnd bewiesen haben.

So hatt man doch dissen vngeachtet vns so wol als andern vnschuldigen / hohes vnd niddern Standts personen / vff ein parteyische nichtige Citation vnder ganz schmeheliche Proclamatiō / vnderm schein / als ob wir nach der Rō. Maiestet zu Hispanien Superioritet vnd Hoheit solten getrachtet / vnd *Crimen rebellionis* begangen haben / ohne einige vorgehendte / gnugsame vnparteyische rechtliche erkantnis / alle vnser landt vnd leuth / haab vnd güter / gewaltiglichen confisciert vnd eingenommen / wilche vns auch vff den heuttigen tag mit verbottenem gewalt / allen natürlichen / geistlichen vnd weltlichen Rechten außdrücklich zuwider vorenthalten werden.

Vñ ist sich zwar wol zueruundern / mit was vnuerschäpter vermessenheit vnser widderfacher vorgeben dörfen / als ob wir nach der Rōn. M. hoheit vñ Superioritet getrachtet / vnd vns zum Herrn der Nidderlanden zu machen solten vnderstanden haben / So doch das gegēspiel ohn einige
vnser

vnser fernere entschuldigung hieraus leichtlich
vn̄ wol ist abzunehmen/das wir zuuerhüttung al-
les vn̄p̄llichen argwons vnd verdachts/ vnser be-
folhē Gubernamēt in Hollandt/ Seelandt vn̄ zu
Vtrecht freywilliglich resignirt/ vbergeben/ vn̄ in
die schantz geschlagen/ auch die vornēbste Stette
vn̄ Besungē dero irth/ welche wir in vnsern han-
den gehabt/ gütwilliglichē verlassen/ vn̄ vns nicht
heimlich / sondern öffentlicher weise / heraus in
Teutschlandt (damit wir ja aller beschuldigung
vnd suspicion möchten vberhaben sein) begeben.

Welches alles wir zwar nicht wurden gethan
haben/wann vnser gemüt / meinung vnd vorha-
ben zur Rebellion (wie vns durch vnserē Miß-
günstige zu beschonung irer Tyrannischen ge-
walts handlung mit vn̄warheit zugemessen wirt)
gerichtet vnd geneigt gewesen weren / Vnd mögē
wir nicht allein wol leiden / sondern wollen auch
zu desto grüntlicher erkündigung der warheit hie-
mit gebettē habē/das die vornēmste Hauptleuth/
Ampts vn̄ Beuelhaber/ derer Stett/ vestüg/ vn̄
Schlösser/ so vn̄ zeit vnser getragē Guberna-
mēts beuolhen gewesen/ mit fleiß befragt vn̄ ver-
hört werde/ ob sie auch vō vns jemals im geringstē
ersucht seyē wordē/ dz sie vns einige Statt/ vestüg
oder

oder Schloß/ zu vnserm selbst particular nutzen
vnd vorthail einreumen/ oberlifferen/ oder zueignē
wollen/ Wie dann nicht allein von diesem punctē/
sondern von den ganzen Nidderlendischen sachen
in vnserer Excusation schrift/ so wir newlicher
tag in Truck haben außgehen lassen/ fernerer be-
richt vnd anzeige geschihet.

Das nhun wir vor vnserer vilfaltige vnderthe-
nigste trew vnd nutzliche dienste/ so wir irer M. vn-
gesparts leibs vnd lebens/ güts vnd blüts (ohne
rhum zumelden) gethan/ auch künfftiglich ferner
zuerzeigen von hertzen geneigt seindt/ iho mit so
hochverlezlichen schmehelichen beschuldigungen
(damit doch vns vor Gott vnd der Welt vnrecht
geschicht) auch mit so geschwinden vnd vntrewen
Practicken durch vnserer misgünstigen angegrif-
fen werden/ Ist vns in warheit (wie ein jeder chr-
liebender vnparteyischer bey sich leichtlich kan er-
messen) sehr bekümmerlich vnd schmerzlich zuuer-
nemen.

An welchen oberzelten/ vnd viel andern mehr
vnzalbarlichen Tyrannischen/ vnd vnerhörten ge-
waltshandlungen/ vnserer widderwertigen vnd
ire anhenger noch nit ersettigt/ Sondern haben
vor etlichen wochen zu noch mehrer erklerung vñ
gnugsam

gnugsamer darthüung ires vnchristlichen/feindt-
lichen vnd vnmenschlichen vorhabens vnsern ge-
liebten sone den Grauen van Beuren/ungeachtet
seines geringen alters vnd kundtlicher offenbarer
vnschuld/von Löuen (dahin wir inen studierēs hal-
ber/vnd damit er irer M. künfftiglich souiel desto
nutzlicher vnd besser dienē köndte gethan) hinweg
genommen/ des vorhabens inen ires mütwilligen
wolgefallens naher Hispanien zuuerschicken/wie
auch beschehen.

Vber das hat gedachter Herzog von Alba zu
erzeugung/vnd noch mehrer beweisung seins ty-
rannischen vnd blütdürstigen gemüts / innerhalb
wenig tagen an die sechzig vom Adel vnd andere
ansehenliche reiche Burger vnd Kaufleuth zu
Brüssel/vnd dann noch an die zwenhundert perso-
nen in andern Stetten (als er inen züvor all ire
haab vnd gütter confisciert vnd eingezogen) blü-
tdürstiger vñ möderischer weise/ohn einighe redt-
liche vsach tödten vnd hinrichten lassen.

Wie er dann an solchem allem noch nit erset-
tigt/sondern die beide Graue vñ Ordens Ritter/
weilent den Grauen von Egmond vnd den Gra-
uen van Hö:n/wolfeliger gedechtniß vngeachtet/
daß sie hiebeuorn Weiland Keyser Carlen Hoch-
löblicher

löblichster gedechtnuß in so viel zügen/ auch der
itzigen Röm. N. zu Hispaniē selbst/ so viel jar hero
mit schwarzen kōsten vñ höchster leibs gefahr/ nach
eufferstem irem vermōgen (wie dann dasselbig of-
fenbar vnd menniglichem bewust ist) trewlich vnd
wol gedienet/ vnerhörter sachen / vnd ohne eini-
chen vorgehenden gewonlichen Proceß / so wol
den natürlichen vnd Götlichen/ als auch den ge-
meinen beschriebene Rechten / Reichs abschiede/
Ordnungen vnd Satzungen zu widder/ den fünff-
ten des nechstverschienen Monats Junij gleicher
gestalt/ Tyrannischer vnd blütdürstiger weise/ mit
dem Schwerth hatt hinrichten/ vnd zu noch größe-
rer schmach vnd spott/ nicht allein der hingerich-
ten Hern/ sondern auch irer statlichen ansehenli-
chen freundschaftē/ nach beschehener Execution
ire häupter vff Stangē oder Gabeln etliche stund
lang menniglichem zum Spectacul vffrichten
lassen.

Zu dem seint auch als baldt nach obgerurter er-
schrecklicher Execution/ widerum an die zwenhun-
dert personen gefencklich eingezogen worden.

Welche vnaussprechliche vnd bey allen völe-
feren vorhin vnerhorte Tyranny / verfolgung
vnd wüten des mehrgedachten verfolggers des
Duca

DVCA DE ALBA / einen solchen schrecken bey
menniglichen verursacht hatt / das vor wenig ta
gen viel tausent personen / vnnnd sonderlich etliche
der vornembsten Papisten (in erwegung/das sol
che Tyrannen gegen menniglich ohr einigen un
derscheidt der Religion vorgenommen werdet)
aus dem landt haben weichen müssen.

Vnd hatt sich vffgedachter von Alba offent
lich hören lassen/dasz er nicht allein vns / sonder
auch alle die jenigen so seiner Tyrannen (durch
Gottes hilff) entwichen/ im Reich / vnnnd sonst
allenthalben suchen/vnd seinem eussersten vermü
gen nach / heimlich vnnnd öffentlich / auch bis ins
beth verfolgen wolle. Wie vns dann desßhalben
täglichs vilfaltige anzeige vnd warnunge zukom
men.

Dweil ihun ab dem allem gnugsam abzü
nemmen vnnnd züverstehen ist / wohin des *DV
CA DE ALBA* vnnnd seiner güts vnnnd blüts
durstigen Noth intent / thün / vnnnd vornem
men gerichtet / als nemblich nit allein vns vnd
andere vnnnserer Mitherin vnnnd Stende / auch
andere gütherzige leuth / Edel vnd Vnedel ohn
G ij allen

allen vnderscheidt / vmb vnserer zeitliche von Gott
dem allmechtigen verlawene güter / sondern auch
vmb vnserer eh: / leib vnd leben / vnd darzu noch wei
ter durch entliche außrottung / vnderdrückung /
vnd verdilgung der rechten lehr des Euangelij / vñ
pflanzung irer Papistischer Religion / Abgötter
ey vnd greuel / in verlust vnser selen / vnd des ewi
gen (wiltches doch allem zeitliche vorzusetzen ist) so
viel an jnen zubringen / Vnd aber disffals geringe
hoffnung ist / daß die Röm. M. nach irer angebornen
natürlichen güte vnd berümbter sanfftmitigkeit
noch zurzeit einich insehens thun werde. In erwe
gung weil die widerwertigē durch ire hinderlistigs
erpracticiren Ir Röm. M. auch zu ires selbst eignen
vnd einigen Sons / des Prinzen zu Hispanien ge
fentlicher verwarung zubewegen / sich nicht ge
schewet / daß wir vnd andere betrangten vns viel
weniger etwas güts / das entweder vnser vnder
thänigste schreiben vnd Glagschriften Irer M.
trewlich vorbracht / oder vns einige sichere audis
ents verstattet werde / züuerstehen haben.

So findt wir dem allem noch nebē vnsern mit
verwandten Herrn vnd freunden / bewegt worden
zu vnserer selbst / auch der hochbetrangten Nidder
land errettung vnd vffhaltung / Sonderlich auch
der

der R^ö. K^{ay}. M. vnserm aller Gnädigsten, Herin/
irer K^{ay}. M. vnd dere geliebter Sone habenden
Interesses vnd künfftiger Anwartung halben/vñ
endlich dem ganzen Reich zu güttem / gegen ein
solches des von Alba vnd seines anhangs vnmes-
sigs vnd vnmenschlichs beginnen vñ wüten/auß
Chrislichem mitleiden/vnd vff beschenes cleglichs
ersuchen viler hochstgemelter R^ö. M. gehorsamer
vnderthanen/disse vnser Defension / vnd genot-
trangte Gegengewehr/ als das einige vnd eufferste
mittel/ Sintemal es mit allen andern versüchten
lindern vnd miltern wegen vmb sonst vnd verge-
bens ist/in dem namen Gottes an die hand zuneh-
men/wiewol wir dessen/da es hett gesein mögen/
vil lieber wolten vberhabē getresen sein/Wie dan
solches auß vnser biß doher mehr dan zu viel lang
weriger gehabter gedult/ ein jeder vnpartheyisch
ohn vnser ferner berichten wol abzunehmen.

In wilcher doch durch vns (wie wir dasselbig
mit Gott dem Almechtigen bezeugt haben wölle)
anderst nichts pretendirt oder gesucht wirt/ dann
daß die Ehr Gottes befurdert / sein Göttliches
wort außgebreitet vñ gepflantz/ Ir R^ö. M. land
vñ vnderthanen in vorige wolstandt gebracht/ vnd
künfftiglich vnd irer M. vnd dero rechten Suc-
cessorn

cessorn schuldigen gehorsam in vffriemen vnd ge-
deien erhalten/ der vnaussprechlichen Tyranny
vnd verfolgung des von Alba vnd seines an-
hangs geweret die vielgedachte Lande/ des ihigen
frembden Kriegsvolets vberhaben / vnd zu iren
vorges. Freiheiten/Priviliegen/Contracten/Or-
nungen vnd sätzen/ so ire Maiestet selbst be-
stetigt/gelobt vnd geschworen hatt / widerumb
kommen/den armen veriaten/verfolgten/ gefan-
genen Christen/widerumb zu irer Freyheit/ auch
zu iren weib vnd kindern/ desgleichen zu iren mit-
gewalt entzogenen haab vnd gütern verhelffen/
Auch endtlich wir/vnser Ehren / wie in gleichem
vnser Person / (deren wie obenangezeigt / heim-
lich vnd öffentlich tag vnd nacht bis ins beth nach
getrachtet wirdt) auch vnser haab vnd güter ge-
pürlicher weisß versichert vnd restituirt mögen
werden.

Vnd so wir solchs erlangen / auch darvber
gebürliche / genugsame Asssecuration erhalten
kündten/ So wollen wir vns hiemit auß-
drucklich erkleret vnd erbotten haben / daß wir
nicht allein disse vnser gegenwertige Defen-
sion/

tion/ genzlich vnd zumal einstellen vnd abschaffen/ Sonder auch im werck menniglich zuerkennen geben wollen/ das vnser Intention vnd vorhaben/ nye anderst gewesen ist / dann das Gottes ehre befurdert/ vnd irer Maiestet / vnd dero Landen vnd vnderthanen wolfarth / nutzen vnd gedeihen gepflanzet/ gemehret/ vnd in taglichem vffnehmen mochte erhalten werden.

Seint dem allem nach zu allen vnnnd jeden Ehrliebendem / beyde Hohes vnnnd Niedrigem Standts Personen / die in sich ein recht Teudtsches gebluet / vnd dahero Ehr vnd Tugend lieb haben / vnnnd herwidder allem Vnchristlichen Tyrannischen Blutdurstigen beginnen von herten feindt feindt / Insonderheit aber zu vnseres Glaubens genossen/ die sich mit vns zu vnserer wharen Christlichen Religion / mit munde vnnnd hertzen bekennen / Dero genzlichen vngezweiffelten / trostlichen hoffnung vnnnd zuuersicht/ Furemblich aber in betrachtung der hochsten gefahr vnnnd noth / darcin das ganze Reich (dasolchem besorgtem vnrathe/ durch Gottes gnade

tes Gnade vnd zeitliche mittel vnd wege nicht sol-
te vorhommen werden) durch des Gegentheils
archlistige / falsche vnd geschwinde Practicken/
leichtlich vnd gewislich gerathen würde / sie wer-
den solche hohe / vielfaltige vnd vnaussprechliche /
auch in einichem Lande der ganzen Christenheit
nicht meh: erhorte Tyrannen behertigen / vnd
sich nicht allein zu weiterer vortsetzung vnd
durchbringung derselben Buchrislichen handel/
noch auch zu vnderdruckung vnserer Christlichen
Religion / vnd einer solchen grossen memige
güthertiger vnschuldiger / vnd nach der warheit
Göttliches worts durstiger leuth / eusserst ver-
folgung / an leib / leben / Ehr vnd Güt / mit nichten
bewegen lassen / sondern viel mehr diese vnser
gegenwertige Defension / anderst nicht / dann
Christlich / pillich / zulesig / vnd auß hohen wich-
tigen / genottrangen / vnd vnuermidlichen vrsa-
chen vorgekommen / erkennen vnd halten / auch
vns hierinnen / als einem angebornen Standt
vnd Gliedmassen des heyligē Reichs / auß Christi-
lichem mitleiden / so mit den armen bedrangten
vnd veruolgtten Christen / natürlicher schuldiger
pflicht nach pillich zuhaben ist / vielmehr alle müg-
liche befurderung / rath vnd beystandt erzeigen /
vnd neben

Vnd neben vns dahin gedencken vnd trachten / da-
einem solchem grewlichem / erschrecklichem / vñ vns
erhörtem vornemen / wüten vnd toben / der mahl ei-
nest / mit gepürliche ernst gesiewert vnd getrechet /
die arme betrangte / verfolgte vñd vergrwältigte
Christen hinsuro geschult / geschimbt / vñgchand-
habet / vnd nicht wie bisshero geschehen ist / vnd noch
geschiehet / wider Gott / chr / recht vnd pillichkeit /
betragt / beschweret / verfolgt / gemarteret / vnd mit
feur vnd schwerth / auch sonst in andere schreckliche
wege / allein vmb bekantnus der waren Christlichen
Religion willen / so jemerlich hingerichtet werden.

Daran erzeigt meniglich ein Christlich / löblich /
vnd Gott dem Allmechtigen ein hochgefelligs / ange-
nemes werck / welches zu erbreitung seines Göttli-
chen worts / vñ vielen armen verfolgten / betrübten /
angefochtenen / vñd gefangenen Christen zu trost /
wvolfart vñd gutem / Ja auch den benachbarten
Stenden / vñ dem ganken Reich Teutscher Nation
zu pflankung gütes besidigen friedens gen ißlich
wirdt gereichen.

Solches wollen vmb einen jedern / nach erheis-
schung seines Standts / wir teneben andern vnse-
rer Defension Mitverwandten hern vñd freun-
den / nach vnserm eusserstem vnd willigem vermö-

D gen /

gen/dienstlich/freuntlich vnd mit allem fleiß zuuer-
dienen/auch mit gunstigem vñ gutem willen zuer-
kennen/die zeit vnsers lebens ganz gütwillig berete
vnd geneigt erfunden werden.

Der Allmechtige barmherzige Gott wolle diese
handlung/als welche sein eigen sach ist/nach seiner
Göttlichen Allmechtigkeit zu glucklichem Christli-
chem vnd pfllichem außgang dirigiren/leitten vnd
fñren/auch dem frömen König (wie vns nicht zweif-
felt) zu seiner zeit die vntreue gefahrliche practi-
cken/damit die argelstige Anstifter/obangeregter
vnochrisillicher verfolgung vñ Tyrannen vmbgehen/
Auch wie vnderthenigst/trewlich vñ güt wir es mit
Irer M. jeder zeit gemeint haben vnd noch zuerkenn-
nen geben. Datum den 20 Julij Anno 1568.